

Tindaya mendiaren barrualdeko eskultura ez egitea erabaki du Eduardo Txillidak

Egitasmoak Kanaria Uharteetan sortutako polemikak desanimatu du donostiarra

Furteventura uharteko (Kanariak) Tindaya mendia barrutik hustuz egiteko asmoa zuen obra ez egitea erabaki du Eduardo Txillida eskultore donostiarrak. Hainbat arkeologo, geologo eta talde ekologista egitasmoaren aurka azaldu dira, eta gaiak sortu duen polemikak bultzatu du Txillida erabaki hori hartzera.

Erredakzioa / Donostia

NAHIZ ETA horretarako Kanaria Uharteetako Autonomi Elkarteak Gobernuaren baimena eta laguntza ziurtatua izan, Fuerteventura uharteko Tindaya mendia barrutik husteko asmoan atzera egin du Txillidak, proiektuak Kanaria Uharteetan sortu duen polemikaren ondorioz.

Berrogei arkeologo eta ondare-ikuskatzailerik Txillidaren egitasmoa gauzatzearen aurka agertu dira, eta Kanaria Uharteetako Autonomi Elkarteak Gobernuak Ondare Historiko-Artistikoaren Zuzendaritzaren aurkako salaketa igorri dute Espainiako Kultura Ministerioari. Arte Ederretako Zuzendaritzara, aipatu erakundeari espolioa leporatuz, Tindaya mendiaren interes arkeologiko, historiko, etnografiko eta geologiko handia baitu aipatu arkeologo eta ikusatzaileren ustez.


Telesforo Bravo geologo prestigioak egitasmoa geldiarazi eta Tindaya mendiaren ingurua babestu beharra dagola adierazi du, eta hainbat talde ekologista ere Txillidaren egitasmoaren aurka agertu da.

Baina ez da hori guztia. Txillidaren egitasmoak polemika korapilatsuagorik ere sortu du Kanarietan, liskar politikoekin lotuak gainera. Azken urteetan Tindaya mendiko mineralak bi harrobiren bitartez ustiatu dituzte. Kanaria Uharteetako Gobernuak —lurak desjabetuz as-

koz diru gutxiago xahutzeko aukerari muzin eginez— meatze-kontzesioa erosi egin zuen, 900 milioi pezetareri truke (36 milioi libera inguru), eta harrobia itxia dago une honetan baimenik ez duelako. Miguel Sanchez Velazquez (PP) Kanaria Uharteetako Gobernuak Kultura sailburuak meatze-kontzesioaren inguruan diruaren bidegabeko erabilera kasuren bat egon daitekeelako susmoa agertu du, Leonardo Olarte Kanarietako Gobernuak lehendakariordeak gaiaren inguruko txostena igorri dio ustelkeriaren aurkako Madrilgo fiskalari, eta Kanarietako Legebiltzarrak osoko bilkura berezia egiteko asmoa du egoera aztertzeko.

Debate artistikorik sortu ez izana deitoratu du Txillidak • «Nire eskultura tolerantziari eraikitako monumentu gisa nuen pentsatua, eta Kanaria Uharteetako herrientzako obra da», azaldu du Txillidak bere erabakia arrazoitzeke atzo *El Diario Vasco* eta *El Correo* egunkarietan argitaratu emandako testuan. «Ez dut, beraz, zatiketarako elementua izan dadin nahi, are guxtiago ulertzen ez ditudan borroka politiko batzuetako iskanbila sortzaile. Debate artistikoa baino ez zait interesatzen, eta, tamalez, hori ez da sortu».

Egitasmoa kritikatu dutenek beren iritzia «egitasmoa ezagutu gabe» eman dutela esan du Txillidak, eta ezagutu izan balute



Eduardo Txillida eskultore donostiarra.

ANDER GILLENEA

«Ez dut nire eskultura zatiketarako elementua izatea nahi», adierazi du Txillidak bere erabakia arrazoitzeke

seguru asko beste iritzi bat izango zuketelakoan dago artista donostiarra. Heldu den azaroan Fuerteventuran bere egitasmoaren berri emango zuen erakusketak egiteko asmoa zuen Txillidak, eta ondoren Madrilgo Arco arte azokan aurkeztu nahi zuen egitasmoa, baina oraingoz bi erakusketa horiek ere bertan behera utziko ditu.

«Beharbada utopia ezin da inoiz errealitate izan», idatzi du artista donostiarrak. «Edo beharbada beste batzuek lortuko dute beste nonbait. Edo beharbada eskultura, espazio zabal eta sakon hori, eguzkiaren eta ilargiaren argietara zabalik dagoena, gizakien topaleku, Tindaya mendi sakratuaren bihotzera heldu ahal izango da».

Elizanburu, Etxahun eta Mao Zedongen liburu bana konputerizatu du Josu Lavinek

Hamabost libururen bertsio konputerizatuak plazaratu ditu jada Paideiak

Juan Luis Zabala / Donostia

JOSU LAVIN Jakintza Baitha elkarteko Paideia Euskal Hezkuntza Akademiako kideak beste hiru euskal libururen bertsio konputerizatuak plazaratu ditu: Jean Baptiste Elizanbururen *Piarres Adame*, Pierre Topet *Etxahun-en olerkiak* eta Mao Tzedung *buruzagiaren Aiphuak*.

Mao Zedongen liburuen itzulpena Federico Krutwig idazle eta euskaltzainak 1972an, Txinako Alderdi Komunistaren dirulaguntzaz, argitaratu emandako liburukoa da, eta, kasu honetan, diskearen erosleak liburua ere eskuratuko du. Bere garai oso zabalkunde urria izan zuen liburua, eta horrek bultzatu du Paideia eskaintza berezi hau egitera.

Euskarazko 15 libururen bertsio konputerizatuak plazaratu ditu jada Paideiak. Leizarraga, Axular eta Etxepareren lanak aurki daitezke, besteak beste, horien artean.

Nahiz eta Lavin eta Paideiak egindako eskaintza oparoa eta merkea izan, bertsio konputerizatu hauek ez dute orain artean salmenta handirik izan, Josu Lavinek EGUNKARIARI adierazi dionez. «Leizarragarenetik hamar ale baino gehiago ez dira saldu. Antza denez, euskal filologoak Euskaltzaindiaren arauak ikasteaz eta irakasteaz askien dira. Ez bide dakite zertarako balio duten klasi-koek, ez eta ordenadoreek ere».

IRAGARKI MERKEAK (943) 300222

31 x 33 mm
MODULO
(Iparralde)

Eguna: 18 l.
Astea (6 egun): 16 l.
2 aste (12 egun): 14 l.
Hilabetea (24 egun): 11 l.

EGAN BERRIA

Taldearen diska berria

"Meta Eginez"

Ohizko lekuetan salgai !!

Maixa eta Itziar
Hankak astintzeko



65 29 87
59 25 16
908 77 15 39

TRIKITIXA
KONTRAIRO & The Big Band

Tel.: 907 - 41 20 64

Xepe - GASTEIZ



IBERIA BIDAIAK

IRTEERAK BILBOTIK UZTAILEAN

MALLORCA	(P.E.)	→ 44.100 pta.
TUNISIA	(L.G.)	→ 50.500 pta.
TENERIFE	(P.E.)	→ 45.100 pta.
LANZAROTE	(L.B.)	→ 59.900 pta.
MENORCA	(L.B.)	→ 46.500 pta.
EIVISSA	(L.B.)	→ 30.800 pta.

Joan-etorriko hegaldia + lekualdatzeak + astebeteko egonaldia

LEKU MUGATUAK !!

P.E.= Pentsio Erdia L.G.= Logela eta Gosaria L.B.= Logela Bakarrik

TEP BIDAIAK
Urbeta, 59 - 46 06 88 tel.
San Martzial, 1 - 42 00 71 tel.
DONOSTIA

IBERIA BIDAIAK
Gipuzkoa etorbidea, 6
61 95 86 tel.
IRUN

IBERIA BIDAIAK
Larrosa Aita, 7 - 27 26 00 tel.
Txurruka, 8 - 42 35 50 tel.
DONOSTIA

Titiniteroak



Antzerkia
Haur berbena
Zirkotailerra
908772347
(943)467597

Alaitasuna eta Umorea

TRIKITAKE

Tel.: 21 01 65 - IGELDO

ZABALIK

Frantziskanoen Etxea

1, Xibaltarre hiribidea
64120 DONAPALEU (Nafarroa Beherea)
Tel.: 07.33 / 59 65 71 37

Oporrak, egonaldi
eta bilerak.
Atsedentleku eta
gogoetabide.
Bakarrik, familian
edo lagunartean.

31 x 33 mm

31 x 33 mm
MODULO
(Araba-Nafarroa)

Eguna: 1.850 pta
Astea (6 egun): 1.500 pta
2 aste (12 egun): 1.300 pta
Hilabetea (24 egun): 950 pta